



In dumënia ai 03 de Aurí él gnü sughé la 3° partida dl ritorno dl campionat 2010/2011 de 3° categoria por La Val. La partida é gnüda sugada cuntra le Percha in cíasa. La partida é jüda fora 1 a 1. por Wiesen. Na partida che La Val éss podü davagné y ess messé bele stlû jö tl prüm tēmp.

Le Percha gnê da na bela seria de bunes prestaziuns, sciöche la squadra da La Val. Ai á parejé cuntra i prüms y davagné cuntra i secundi. Mo sciöche bele mustré te atres partides, apena che le Percha fesc en gol se stlûji ite a difesa y pro da destrüje le jüch di avversars, cun lanci luné di difensurs ai atacanc. Bel avisa insciö era stada, tl secundu tēmp canche La Val éss podü stlûsc jö la partida, ti garetel en eurogol al Percha che ti tol la vitoria a La Val.

La partida á metü man bun por La Val, che á purvé bel atira da sughé cun le pal bas y in velocité. Ince sce i avversars fajô en gran pressing ti él garaté en pēr de bunes aziuns a La Val, mo ala fin mancial madēr ciamò la concluiun, gunot él gnü sbaglié l'ultim pasagio. Mo a mesa le prüm tēmp ti garetel le vantaje a La Val. En bel pasagio filtrante á purté Rubatscher Florian ala concluiun. En bel tiro de potēza ne ti á lascé degüna poscibilité al portier da Percha. Mo dô le gol è La Val che se stēnta tres deplü da sughé só calcio. Le Percha süga ma plü sön lanci luné y chësc porta ince La Val a sughé insciö. Le prüm tēmp se stlûsc jö sön le 1 a 0. Tl secundu tēmp ti garetel spo le eurogol al Percha. Sön en rinvio dl portier da La Val ni cis garaté, ti rōia la pala al atacant da Percha che pasa spo al cumpagn. Sēnza ponsé fejel en gran tiro al volo da 40 metri. Sandro prô ciamò da abiné le gran tiro, mo al ne ti è nia plü. La pala ti vá sura ite. Chësc bel gol de gran furtüna (y unico tiro te porta dl Percha te düta la partida) taia insciö la partida. La Val ne è nia plü buna da recuperé ala fina la vitoria. Ala 80° vëgnel ciamò espulso Tavella Jordan por döes gheles.

Cun chësc paregio se porta La Val al 6° post te tlassifica.

La formaziun titolara dla partida:



In cürt ciamò les sostituziuns dla partida:

al 45° Castlunger Marco por Ploner Werner

Al 80° Tavella Thomas por Verginer Franzì

Por ciaré ala tlassifica y i resultaé dles artres partides clicca. [Resultaé y tlassifica](#)